

張仲景傷寒論貫珠集

張仲景傷寒論實錄目錄卷三

辨列陽明條例大意

陽明正治法第一 計五十條 方四道

陽明府病證十二條

調胃承氣湯證四條

小承氣湯證二條

小承氣湯方

大承氣湯證九條

大承氣湯方

白虎加人參湯證三條

陽明經脈因證治十一條

陽明病風寒不同證治九條

吳茱萸湯方

張仲景傷寒論貫珠集卷之三

飲鴆山人尤怡在涇註 二然朱陶性棧

陽明上篇

辨列陽明條例大意

太陽病從外入是以經病多於府病若陽明則府病多於經病以經邪不能久留而府邪常聚而不行也故仲師以胃家實爲陽明正病本篇先列府病於前次列經病于後遵先聖之法也而經病有傳經自受之不同府病有宜下宜清宜溫之各異詳見各條要皆不出爲正治之法也此爲本篇凡

五十條其次則爲明辨法蓋陽明以胃實爲病之  
正以攻下爲法之的而其間有經府相連虛實交  
錯或可下或不可下或可下而尙未可下及不可  
天下之時故有脈實潮熱轉失氣小便少等辨及  
外導潤下等法又其次爲雜治法謂病變發黃畜  
血諸候非復陽明胃實及經邪留滯之時所可止  
例或散或下所當各隨其証而異其治者也此篇  
下篇凡三十三條

陽明正治法第一

陽明府病證十二條

陽明之爲病胃家實也

胃者穀也水穀之海爲陽明之府也胃家實者壯熱入胃與糟粕相結而成實非胃氣自盛也凡傷寒腹滿便閉潮熱轉矢氣手足濇濇汗出等證皆是陽明胃實之證也

問曰病有太陽陽明有正陽陽明有少陽陽明何謂也答曰太陽陽明者腠約是也正陽陽明者胃家實是也少陽陽明者發汗利小便已胃中燥煩實大便

難是也

太陽陽明者病在太陽而兼陽明內實以其人胃陽素盛脾陰不布屎小而鞭病成脾約於是太陽方受邪氣而陽明已成內實也正陽陽明者邪熱入胃糟粕內結爲陽明白病活人所謂病人本穀盛氣實是也少陽陽明者病從少陽而轉屬陽明得之發汗利小便津液去而胃燥實如本論所謂傷寒十餘日熱結在裏復往來寒熱者與大柴胡湯是也此因陽明之病有是三者之異故設爲問答以明之而其爲胃家實則一也

問曰陽明病外證云何答曰身熱汗自出不惡寒反惡熱也

問曰病有得之一日不發熱而惡寒者何也答曰雖得之一日惡寒將自罷卽自汗出而惡熱也

問曰惡寒何故自罷答曰陽明居中土也萬物所歸無所復傳始雖惡寒二日自止此爲陽明病也

經邪未變故惡寒入府則變熱而不寒經邪不能聚故傳入府則聚而不傳曰萬物所歸者謂邪氣離經入府聚而不行如萬物之歸於土也是以惡寒爲傷寒在表之的證惡熱爲陽明入府之的證



始雖惡寒不久卽止豈若太陽始終有寒者哉此  
三條並論陽明受病之證也

問曰何緣得陽明病答曰太陽病發汗若下若利小  
便此亡津液胃中乾燥因轉屬陽明不更衣內實大  
便難者此名陽明也

胃者津液之府也汗下利小便津液外亡胃中乾  
燥此時寒邪已變爲熱熱猶火也火必就燥所以  
邪氣轉屬陽明也而太陽轉屬陽明其端有二太  
陽初得病時發其汗汗先出不徹因轉屬陽明者  
爲邪氣未盡而傳其病在經此太陽病若汗若下

者利小便亡津液胃中乾燥因轉屬陽明者爲邪  
氣變熱而傳其病在府也此陽明受病之因也

傷寒四五日脈沉而喘滿沉爲在裏而反發其汗津  
液越出大便爲難表虛裏實久則厥語

脈沉病在裏也喘滿因滿而爲喘病之實也傷寒  
四五日病在裏而成實法當攻裏而反發其汗津  
液外亡腸胃內燥大便爲難所必然矣表虛裏實  
亦卽表和裏病之意久則譫語者熱氣乘虛必歸  
陽明而成胃實也

脈陽微而汗出少者爲自和也汗出多者爲太過陽

脈實因發其汗出多者亦爲太過太過爲陽絕於裏  
亡津液大便因鞭也

脈陽微者諸陽脈微卽正之虛也故汗出少者邪  
適去而正不傷爲自和汗出多者邪雖却而正亦  
衰爲太過也陽脈實者非之實也然發其汗出多  
者亦爲太過爲其津亡於外而陽絕於裏也夫陽  
爲津液之源津液爲陽之根汗出過多津液竭矣  
陽氣雖存根本則離故曰陽絕陽絕津亡大便焉  
得不鞭耶

脈浮而孔浮爲陽孔爲陰浮孔相搏胃氣生熱其腸

則絕

脈浮爲盛於外脈芤爲歉於內浮爲陽謂陽獨盛也芤爲陰謂陰不足也浮芤相搏陽有餘而陰不足也胃液枯渴內虛生熱雖有陽氣無與爲偶亦如上條之意也故曰其陽則絕以上三條乃因陽明受病之因而申言之其下三條則申言陽明受病之證也

傷寒發熱無汗嘔不能食而反汗出濇濇然者是轉屬陽明也

傷寒轉屬陽明者其人濇濇然微汗出也

發熱無汗爲太陽病在表嘔不能食者邪欲入裏而正氣拒之也至汗出濇濇則太陽之邪陽明已受之矣故曰轉繫陽明太陽寒在皮毛腠理閉塞故無汗陽明熱在肌肉腠理開液泄故濇濇然汗自出也

病人不大便五六日繞臍痛煩燥發作有時者此有燥屎故使不大便也

熱結陽明爲不大便五六日爲繞臍痛煩燥發作有時皆燥屎在胃之徵有時謂陽明正時爲日躡也陽明燥結不得大便意非大承氣不爲功矣

調胃承氣湯證四條

太陽病三日發汗不解蒸蒸發熱者屬胃也調胃承氣主之

發汗不解邪不外散而欲內傳爲太陽而之陽明之候也蒸蒸發熱者熱聚于內而氣蒸於外與太陽邪鬱於外而熱盛於表者不同故欲宜外解此宜清裏也然無燥實等證則所以治之者宜緩而不宜急矣調胃者調其胃氣返于中和不使熱盛實氣而劫奪津氣也

調胃承氣湯方見太陽權變法

傷寒十三日不解過經譫語者以有熱也當以湯下之若小便利者大便當鞭而反下利脈調和者知醫以丸藥下之非其治也若自下利者脈當微厥今反和者此爲內實也調胃承氣湯主之

此亦邪氣去太陽而之陽明之證過經者邪氣去此而之彼之謂非必十三日不解而後謂之過經也觀少陽篇第二十條云太陽病過經十餘日又本篇第六十一條云此爲風也須下之過經乃可下之則是太陽病罷而入陽明或傳少陽者卽謂之過經其未罷者卽謂之併病耳譫語胃有熱也

則熱當以湯下之若小便利者津液偏滲其大便  
必鞭而反下利脈調和者醫知宜下而不達宜湯  
之旨故以丸藥下之非其治也脈微厥脈乍不至  
也言自下利者裏氣不守脈當微厥今反和者以  
其內實雖下利而胃有燥屎本屬可下之候也故  
當以調胃承氣湯下其內熱 此條太陽篇移入  
陽明病不吐不下心煩者可與調胃承氣湯

病在陽明既不上湧又不泄而心煩者邪氣在  
中上鬱而成熱也經曰上鬱則奪之調胃承氣蓋  
以通其氣非以下燥屎也



傷寒吐後腹脹滿者與調胃承氣湯

吐後腹脹滿者邪氣不從吐而外散反因吐而內陷也然脹形已具自必攻之使去而吐後無傷之不可以大下故亦宜大黃甘草芒硝調之俾反於利而已設遇庸工見其脹滿必以枳朴爲急矣

小承氣湯證二條

太陽病若吐若下若發汗微煩小便數大便因鞭者與小承氣湯和之愈

若與或同病在太陽或吐或下或汗邪仍不解而微煩邪氣不之表而之裏也小便數大便因鞭

者熱氣不之大陽之本而之陽明之府可與小承  
氣和胃除熱爲主不取大下者以津液先亡不從  
更傷其陰耳

小承氣湯方

大黃四兩 厚朴二兩去皮炙 枳實三枚炙

右三味以水四升煮取一升二合去滓分溫二

服初服湯當更衣不爾者盡飲之若更衣者勿  
服之

陽明病其人多汗以津液外出胃中燥大便必鞭鞭  
則譫語小承氣湯主之若一服譫語止更莫復服

汗生於津液津液資於穀氣故陽明多汗則津液  
外出也津液出于陽明而陽明亦藉養於津液故  
陽明多汗則胃中無液而燥也胃燥則大便秘大  
便秘則譫語是宜小承氣湯以和胃而去實若一  
服譫語止更莫復服者以津液先亡不欲多下以  
竭其陰亦如上條之意也

大承氣湯證九條

陽明病譫語有潮熱反不能食者胃中必有燥屎五  
六枚也若能食者但鞭耳宜大承氣湯下之

傷寒胃熱而虛者能食胃寒而實者則不能食而

陽明病有燥屎者可攻無燥屎者則不可攻  
潮熱消之熱也是當能食而反不能食者中有燥  
屎氣窒而不行法當大承氣下之者也若能食者  
屎未成燥而但鞭耳設欲攻之則必以小承氣和  
之如上二條所云而已本文宜大承氣湯下之七  
字當在胃中有燥屎句下

### 大承氣湯方

大黃四兩酒洗 厚朴半斤炙去皮 枳實五枚  
炙 芒硝二合

右四味以水一斗先煮二物取五升去滓內大

黃耆取二升去滓內芒硝更上微火一兩沸分  
溫再服得下餘勿服

病人小便不利大便乍難乍易時有微熱喘胃不能  
卧者有燥屎也宜大承氣湯

小便不利者其大便必澀而有燥屎者水液雖還  
入胃猶不足以潤之故大便亦有難時而亦乍有  
易時也若時有微熱喘胃不得卧則熱氣外攻內  
擾而復上逆知其聚於中者盛也故曰有燥屎也  
大便雖有易時亦必以大承氣爲主矣

六下後六七日不大便煩不解腹滿痛者此有燥屎

也所以然者本有宿食故也宜大承氣湯

大下之後胃氣復實煩滿復增者以其人本有宿食未去邪氣復得而據之也不然下後胃虛豈得更與大下哉蓋陽明病實則邪易聚而不傳虛則邪不得聚而傳是以雖發潮熱而大便澀者邪氣轉屬少陽爲胸脇滿不吐雖經大下而有宿食者邪氣復集胃中爲不大便煩滿腹痛有燥屎而彼與小柴胡此宜大承氣一和一下天然不易之法也小柴胡證見本篇四十一條宜互參

傷寒若吐若下後不解不大便五六日上至十餘日

日晡所發潮熱不惡寒獨語如見鬼狀若劇者發則  
不識人循衣摸牀惕而不安微喘直視脈弦者生瀉  
者死微者但發熱譫語者大承氣湯主之若一服利  
止後服

吐下之後邪氣不從外解而仍內結熱入胃府聚  
而成實致不大便五六日或十餘日也陽明內實  
則日晡所發潮熱蓋申酉爲陽明主時而日晡爲  
申酉時也表和裏病則不惡寒傷寒以惡熱爲裏  
而惡寒爲表也熱氣薰心則獨語如見鬼狀蓋賢  
藏於心而陽明之絡通於心也若熱甚而劇者發

則不識人循衣摸牀惕而不安微喘直視是不特邪盛而正亦衰矣若脈弦則陰未絕而猶可治脈澹則陰已絕而不可治所謂傷寒陽勝而陰絕者死也其熱微而未至於劇者則但發熱譫語不大便而已是可以大承氣下之而愈也一服利止後服者以熱未至劇故不可過下以傷其正耳

二陽併病太陽證罷但發潮熱手足漿漿汗出大便難而譫語者下之則愈宜大承氣湯

此太陽併於陽明之證然併病有併而未罷之證雖入陽明未離太陽則可汗而不可下如本篇第



三十九條之證是也此條爲併而已罷之證雖曰併病實爲陽明故可下而不可汗潮熱手足漿漿汗出大便難證語皆胃貫之徵故曰下之則愈宜大承氣湯

陽明少陽合病必下利其脈不負者順也負者失也互相尅賊名爲負也脈滑而數者有宿食也當下之宜大承氣湯

陽明少陽合病視太陽陽明合病爲九深矣故必下利而陽明土少陽木於法又有互相尅賊之機故須審其脈不負者爲順其有負者爲失也負者

少陽王而陽明衰謂木勝乘上也若脈滑而數則  
陽明王而少陽負以有宿食在胃故邪氣得歸陽  
明而成可下之證不然目虛風動其下利寧有止  
期耶

傷寒六七日目中不了了睛不和無表裏證大便難  
身微熱者此爲實也急下之宜大承氣湯

目中不了了者目光不精而視物不明也睛不和  
者目直視而不圓轉也大七日熱盛而陰傷故其  
證如此無表裏證無頭痛惡寒而又無腹滿譫語  
等證也然而大便難身微熱則實證已具合之目

中不了了睛不和其爲熱極陰傷無疑故雖無大滿大實亦必以大承氣湯急下見稍遲則陰竭不復而死耳

陽明病發熱汗多者急下之宜大承氣湯

發熱汗多者熱盛於內而津迫于外也不下則熱不除不除則汗不止而陰乃亡矣故宜急下然必有實滿之證而後可下不然則是陽明白虎湯證宜清而不宜下矣學者辨諸

發汗不解腹滿痛者急下之宜大承氣湯

發汗不解腹滿痛者病去表之裏而盛於裏夫

正氣與邪氣相 則痛治之者如救火然遲則正  
被傷矣故亦宜急下

以上下法共十五條然其間或曰和或曰下或曰  
急下或一服利止後服各隨病之大小緩急而異  
其治學者所當明辨也

合論三承氣湯方

承者順也順而承者地之道也故天居地上而常  
卑而下行地處天下而常順承乎天人之脾胃猶  
地之上也乃邪熱入之與糟粕結于是燥而不潤  
剛而不柔滯而不行而失其地之道矣豈復能承

天之氣哉大黃芒硝枳朴之屬滌蕩脾胃使精粕  
一行則熱邪畢出地道既平天氣乃降清寧復舊  
矣曰大曰小曰調胃則各因其制而異其名耳蓋  
以硝黃之潤下而益以枳朴之推逐則其力頗猛  
故曰大其無芒硝而但有枳朴者則下趨之勢緩  
故曰小其去枳朴之苦辛而加甘草之甘緩則其  
力尤緩但取和調胃氣使歸于平而已故曰調胃

白虎加人參湯證三條

傷寒病若吐若下後六七日不解熱結在裏表裏俱  
熱時時惡風大渴舌上乾燥而煩欲飲水數升者白

虎加人參湯主之

以下三條王叔和本在太陽篇中今移在此

傷寒若下若吐後至七八日不解而燥渴轉增者  
邪氣去太陽之經而入陽明之府也陽明經爲表  
而府爲裏故曰熱結在裏府中之熱自內際外爲  
表裏俱熱熱盛於內陰反外居爲時時惡風而胃  
者津液之原也熱盛而涸則舌上乾燥故旣以白  
虎除熱必加人參以生津尙從善所謂邪熱結而  
爲實者則無大渴邪氣散漫薰蒸焦膈故舌上乾  
燥而煩大渴欲飲水數升是也是以白虎承氣並

爲陽明府病之方而承氣苦寒逐熱蕩實爲熱而  
且實者設白虎甘寒逐熱生津爲熱而不實者設  
乃陽明邪熱入府之兩大法門也故從太陽分出  
三條並列於此云

白虎加人參湯方見太陽幹旋法

傷寒無大熱口燥渴心煩背微惡寒者白虎加人參  
湯主之

無大熱表無大熱也口燥渴心煩裏熱極盛也背  
微惡寒與時時惡風同意蓋亦太陽經邪傳入陽  
明胃府薰蒸焦膈之證故宜白虎加人參以徹熱

而生津也

傷寒 浮發熱無汗其表不解者不可與白虎湯渴  
欲飲水無表證者白虎加人參湯主之

前二條既著白虎之用此條復示白虎之戒謂邪  
氣雖入陽明之府而脈證猶帶太陽之經者則不  
可使與白虎湯與之則適以留表邪而傷胃氣也  
而又申之曰渴欲飲水無表證者白虎加人參湯  
主之其丁寧反覆之意可謂至宏

陽明經病脈因證治十一條

傷寒三日陽明脈大



邪氣併於太陽則浮併于陽明則大云三日者舉  
傳經次第之大凡也又陽明之脈人迎跌陽皆是  
傷寒三日邪入陽明則是二脈當大不得獨診於  
右手之附上也

本太陽病初得時發其汗汗先出不徹因轉屬陽明  
也

徹達也汗雖欲出而不達于皮膚則邪不外出而  
反內入此太陽之邪傳陽明之經與汗下後入府  
者不同也

陽明病脈浮而緊者必潮熱發作有時但浮者必盜

汗出

太陽脈緊爲寒在表陽明脈緊爲實在裏裏實則潮熱發作有時也若脈但浮而不緊者爲裏未實而經有熱經熱則盜汗出蓋雜病盜汗爲熱在臟外感盜汗爲邪在經易簡方用防風治盜汗不止此之謂也

陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛

無汗而小便利邪不外散而氣但下趨也二三日嘔而欬者邪復從吐行也手足厥者氣仍不外達

也故必苦頭痛所以然者下趨而極勢必上行外  
淫無由上攻必猛也若不欬不嘔則氣且下行手  
足不厥則氣得四達何至上逆而頭痛哉讀此可  
以知陽明邪氣上下進退之機

陽明病口燥但欲漱水不欲嚥者此必衄

陽明口燥欲飲水者熱在氣而屬府口燥但欲漱  
水不欲嚥者熱在血而屬經經中熱甚血被熱迫  
必妄行爲衄也

脈浮發熱口乾鼻燥能食者則衄

脈浮發熱口乾鼻燥亦熱邪壅盛於經之證能食

者風多熱迫安得不勝陰血被劫耶

陽明病脈遲汗出多微惡寒者表未解也可發汗宜桂枝湯

陽明病脈浮無汗而喘者發汗則愈宜麻黃湯

此二條乃風寒初中陽明之證其見證與太陽中風傷寒相類而陽明比太陽稍深故中風之脈不浮而遲傷寒之脈不緊而浮以風寒之氣入肌肉之分則閉固之力少而壅遏之力多也而其治法則必與太陽少異見有汗而惡寒者必桂枝可解無汗而喘者非麻黃不發矣

二陽併病太陽初得病時發其汗汗先出不徹因轉屬陽明續自微汗出不惡寒若太陽病證不能者不可下下之爲逆如此可小發汗設面色緣緣正赤者陽氣怫鬱在表當解之薰之若發汗不徹不足言陽氣怫鬱不得越當汗不汗其人躁煩不知痛處乍在腹中乍在四肢按之不可得其人短氣但坐以汗出不徹故也更發汗則愈何以知汗出不徹以脈濇故知也空此篇從太陽篇移入

二陽併病者太陽病未能而併于陽明也太陽得病時發汗不徹則邪氣不得外出而反內走陽明

此併之由也續自微汗出不惡寒此陽明證續見  
乃併之證也若太陽證不罷者不可下下之爲逆  
所謂本當發汗而反下之此爲逆是也如是者可  
小發汗以病兼陽明故不可大汗而可小發此併  
病之治也若發其小汗已面色緣緣正赤者陽氣  
怫鬱在表而不得越散當解之薰之以助其散又  
併病之治也發汗不徹下疑脫一徹字謂發汗不  
徹雖徹而不足云徹猶腹滿不減減不足言之文  
汗出不徹則陽氣怫鬱不得越陽不得越則當汗  
而不得汗於是邪無從出攻走無常其人踣頰不

知痛處乍在腹中乍在四肢按之而不可得也短  
氣者表不得泄肺氣不宜也坐猶緣也言踈煩短  
氣等證但緣汗出不徹所致故當更發其汗則邪  
氣外達而愈非特驚解所能已其疾矣以面色緣  
緣正赤者邪氣怫鬱軀殼之表踈煩短氣者邪氣  
怫鬱軀殼之裏也按內經云脈滑者多汗又曰脈  
滑者陰氣少陽氣多也夫汗出于陽而生於陰因  
診其脈濇而知其汗出不徹也此又併病之治也  
陽明病發潮熱大便濇小便自可胸脇滿不去者小

柴胡湯主之

潮熱者胃實也胃實則大便硬乃大便溼小便利  
可胸脇滿不去知其邪不在於陽明之府而入於  
少陽之經由胃實而腸虛是以邪不得聚而復傳  
也是宜小柴胡以解少陽邪氣

陽明病脇下鞭滿不大便而嘔舌上白胎者可與小  
柴胡湯上焦得通津液得下胃氣因和身濺然而汗  
出解也

此亦陽明傳入少陽之証証脇下鞭滿而嘔舌上胎  
白皆少陽經病見證雖不大便不可攻之亦宜小  
柴胡和解少陽邪氣而已夫脇下滿痛而嘔則邪



方上壅而津液不得下行與小柴胡和散其邪則  
上焦得通而腸不滿結矣津液得下而嘔不作矣  
氣通津下胃氣因和便從裏出汗從表出而邪自  
渙然冰釋矣是以胃中鞭滿不大便而無少陽證  
者可攻其有少陽證者雖不大便亦不可攻而可  
和也

陽明病風寒不同證治八條

陽明病若能食名中風不能食名中寒

陽明府病有傳經白受之異傳經者風寒已變其  
病多熱自受者風寒初入其病多冷而風之與寒

則又有辨此條蓋陽明胃府自中風寒之辨也太  
陽主肌表故有有汗無汗之分陽明爲胃府故有  
能食不能食之辨風爲陽而寒爲陰陽能消穀而  
陰不能消穀之意也夫風寒中人無有常經是以  
傷寒不必定自太陽中寒不必定自三陰論中凡  
言陽明中風陽明病若中寒及少陽中風太陰少  
陰厥陰中風等語皆是本經自受風寒之證非從  
太陽傳來者也學者當辨諸

陽明病若中寒不能食小便不利手足濇然汗出此  
欲作固瘕必大便初鞭後溏所以然者以胃中冷水

不別故也

手足澀然汗出於法爲胃家實而寒邪適中小便復不利則是胃有堅積而水寒勝之所以知其欲作固瘕固瘕者胃寒成聚久泄不已也已下四條並陽明胃府自中寒邪之證

脈浮而遲表熱裏寒下利清穀者四逆湯主之若胃中虛冷不能食與水則噦

脈遲爲寒而病係陽明則脈不沉而浮也寒中于裏故下利清穀而陽爲陰迫則其表反熱也四逆湯爲後陽散寒之劑故得主之而陽明土也土惡

水而喜溫若胃虛且冷不能納穀者土氣無根必不能勝水而禁冷設與之水水與寒搏必發爲噦噦逆呃也

食穀欲嘔者屬陽明也吳茱萸湯主之得湯反劇者屬上焦也

食穀欲嘔有中焦與上焦之別蓋中焦多虛寒而吐焦多火逆也陽明中虛客寒乘之食穀則嘔故宜吳茱萸湯以益虛而溫胃若得湯反劇則仍是止焦火逆之病宜清降而不宜溫養者矣仲景于疑似之間細心推測如此

吳茱萸湯方

吳茱萸洗

人參三兩

生薑六兩切

大棗十二枚擘

右四味以水七升煮取三升去滓溫服七合日

三服

陽明中風日苦咽乾煩滿微喘發熱惡寒脈浮而緊若下之則腹滿小便利也

口苦咽乾陽邪內侵也腹滿微喘裏氣不行也發熱惡寒表邪方盛也夫邪在裏者已實而在表者猶盛於法則不可下下之則邪氣益陷乃不化

腹加滿而小便難矣此陽明自中風邪而表裏俱受之證是以脈浮而緊蓋太陽脈緊爲表有寒陽明脈緊爲裏有實前第三十條云陽明病脈浮而緊者必潮熱發作有時意可參考

陽明中風脈弦浮大而短氣腹都滿脇下及心痛久按之氣不通鼻乾不得汗嗜臥一身及面目悉黃小便難有潮熱時時噦耳前後腫刺之小差外不解病過十日脈續浮者與小柴胡湯脈但浮無餘證者與麻黃湯若不利腹滿加噦者不治

此條雖係陽明而已兼少陽雖名中風而實爲表

乃陽明少陽邪氣閉鬱於經之證也陽明閉鬱  
故短氣腹滿鼻乾不得汗嗜卧一身及面黃目悉  
小便難有潮熱少陽閉鬱故脇下及心痛久按之  
氣不通時時噉耳前後腫刺之小差外不解者脈  
證少平而大邪不去也病過十日而脈瀕浮知其  
邪猶在經故與小柴胡和解邪氣若脈但浮而無  
少陽證兼見者則但與麻黃湯發散邪氣而已蓋  
以其病兼少陽故不與葛根而與柴胡以其氣實  
無汗故雖中風而亦用麻黃若不得尿故復加滿  
喘加甚者正氣不化而邪氣愈盛雖欲攻之神不

爲使亦無益矣故曰不治

陽明病但頭眩不惡寒故能食而欬其人必咽痛若不欬者咽不痛

但頭眩不惡寒能食而欬者陽明風邪變熱聚于胃而逆于肺也咽居肺上故必咽痛若不欬者肺不受熱則咽必不痛不惡寒而頭眩者氣方外瀆而不內熾亦何至能食而欬哉

陽明病能食小便反不利大便自調其人骨節疼痛翕然如有熱狀奄然發狂濺然汗出而解者此水不勝穀氣與汗共併脈緊則愈



此陽明風濕爲痺之證金匱云濕痺之候小便不利大便反快又濕病關節疼痛而煩是也奄然發狂者胃中陽勝所謂怒狂生于陽也濺然汗出者穀氣內盛所爲汗出於穀也穀氣盛而水濕不能勝之則隨汗外出故曰與汗共併汗出邪解脈氣自和故曰脈緊則愈前第四十三條中寒不能食所以雖有堅屎而病成固瘕此條胃強欲食所以雖有水濕而忽從汗散合而觀之可以知陰陽進退之機

張仲景傷寒論貫珠集目錄卷之四

陽明明辨法第一 計二十四條 方四道

表裏虛實生死之辨九條

猪苓湯方

可下不可下之辨十五條

蜜煎導方

麻仁丸方

猪膽汁方

陽明雜治法第三 計九條 方三道

發黃證治七條

茵陳蒿湯方

梔子柏皮湯方

麻黃連軀赤小豆湯方

蓄血證二條

張仲景傷寒論貫珠集卷之四

似鴉山人尤怡在涇註

陽明下篇

陽明明辨法第二

表裏虛實生死之辨九條

病人煩熱汗出則解又如瘧狀日晡所發熱者屬陽明也脈實者宜下之脈浮虛者宜發汗下之與大承氣湯發汗宜桂枝湯

煩熱熱而煩也是爲在裏裏則雖汗出不當解而反解者知表猶有邪也如瘧者寒熱往來如瘧之

狀是爲在表表則日晡所不當發熱而反發熱者  
知裏亦成實也是爲表裏錯雜之候故必審其脈  
之浮沉定其邪之所在而後從而治之若脈實者  
知氣居于裏故可下之使從裏出脈浮而虛者知  
氣居於表故可汗之使從表出而一藥宜大承氣  
湯汗藥宜桂枝湯則天然不易之法矣

陽明病脈浮而緊咽燥口苦腹滿而喘發熱汗出不  
惡寒反惡熱身重若發汗則躁心憤憤反譫語若加  
燒鍼必怵惕煩躁不得眠若下之則胃中空虛客氣  
動膈心下懊懣舌上胎白口梘子豉湯主之若溫飲

飲水口乾舌燥者白虎加人參湯主之若脈浮發熱渴欲飲水小便不利者猪苓湯主之

浮而緊陽明表裏之脈然也咽燥口苦腹滿而喘發熱汗出不惡寒反惡熱身重陽明入裏之證然也是爲邪已入裏而氣連於表內外牽制汗下俱碍是以汗之而邪不能出於表則蹠心憤憤然昏亂而譫語火之而熱且擾於中則怵惕煩蹠不得眠下之而邪不盡於裏則胃氣徒虛客氣內動心中懊憹若舌上胎白者邪氣盛於上焦故與梔子豉湯以越胸中之邪所謂病在胸中當須吐之是

也若渴欲飲水口乾舌燥者則邪氣不在上而在中故以白虎加入參以清胃熱益胃液所謂熱澇于內治以甘寒也若脈浮發熱渴欲飲水小便不利者邪熱不在吐中而獨在下故與豬苓湯以利水泄熱兼滋陰氣所謂在下者引而竭之也

豬苓湯方

豬苓去皮 茯苓 阿膠 滑石碎 澤瀉

右五味各一兩以水四升先煮四味取二升去滓內阿膠烱消溫服七合日三服

陽明病汗出多而渴者不可與豬苓湯以汗多胃中

燥猪苓湯復利小便故也

土條於脈浮發熱渴而小便不利之證既著猪苓湯之用矣此條復示猪苓湯之戒謂雖渴欲飲水而汗出多者則不可以猪苓利其小便所以然者汗之與溺同出而異歸者也靈樞云水穀入於日輸于腸胃其液別爲五天寒衣薄則爲溺與氣天暑衣厚則爲汗故雖清濁不同其爲府中之液則一也汗出既多胃液已耗而復以猪苓利之是已燥而益燥也故曰不可與猪苓湯

陽明病下之其外有熱手足溫不結胸心中懊憹飢



不能食但頭汗出者梔子豉湯主之

陽明下後其邪既不從裏而出又不因下而結其  
外有熱手足溫者邪雖陷而未深也心中悵悵飢  
不能食者熱客胸中而胃虛不能納穀也但頭汗  
出者胸中之熱薰蒸於上而陽受邪氣復不能降  
而下行也是爲邪氣入裏而未成聚之證故宜梔  
子豉湯以徹胸中之邪亦高者因而越之之意也  
陽明病法多汗反無汗其身如蟲行皮中狀者此以  
久虛故也

陽明者津液之府也熱氣入之津爲熱迫故多汗

反無汗其身如蟲行皮中狀者氣內蒸而津不從之也非陽明久虛之故何致是哉

夫實則譫語虛則鄭聲鄭聲重語也

實者邪氣盛也虛者精氣奪也邪盛則狂妄多言變亂不測正奪者語不能多惟平時心事言訖復言而已故曰重語重猶疊也

直視譫語喘滿者死下利者亦死

直視譫語爲陰竭動盛之候此爲邪氣日損或陰氣得守猶或可治若喘滿則邪內盛或下利則陰內泄皆死証也

發汗多者重發汗者亡其陽譫語脈短者死脈自和者不死

汗多復汗陽氣重傷而邪復不解爲譫語而脈短譫語爲邪之盛脈短爲氣之少病盛勝臟故死脈自和者邪氣雖盛而正氣猶足相持故得不死

陽明病欲解時從申至戌上

申酉戌時日晡時也陽明潮熱發于日晡陽明病解亦于日晡則申酉戌爲陽明之時其病者邪氣於是發其解者正氣於是復也

陽明可下不可下之辨十五條

陽明病脈遲雖汗出不惡寒者其身必重短氣腹滿而喘有潮熱者此外欲解可攻裏也手足濇然而汗出者此大便已鞫也大承氣湯主之若汗多微發熱惡寒者外未解也其熱不潮未可與承氣湯若腹大滿不通者可與小承氣湯微和胃氣勿令大泄下

傷寒以身熱惡寒爲在表身熱不惡寒爲在裏而陽明病無表證者可下有表證者則不可下此汗出不惡寒身重短氣腹滿而喘潮熱皆裏證也脈雖遲猶可攻之以腹滿便閉裏氣不行故脈爲之濇濇不利非可比于遲則爲寒之例也若手足濇

然汗出者陽明熱甚大便已硬欲攻其病非大承  
氣不爲功矣若汗多微發熱惡寒則表猶未解其  
熱不潮則裏亦未實豈可漫與大承氣遺其表而  
攻其裏哉卽腹大滿不通而急欲攻之者亦宜與  
小承氣微和胃氣而不可以大承氣大泄大下恐  
裏虛邪陷變證百出則難挽救矣已下七條於可  
攻證而後審其小便之多少大便之澀硬脈之實  
與不實經之過與不過熱之潮與不潮而後從而  
治之故知下法不可不慎也

陽明病潮熱大便微硬者可與大承氣湯不硬者不

可與之若不大便六七日恐有燥屎欲知之法少與小承氣湯湯入腹中轉失氣者此有燥屎可攻之若不轉失氣者此但初頭鞭後必澹不可攻之攻之必脹滿不能食也欲飲水者與水則噦其後發熱者必大便復鞭而少也以小承氣湯和之不轉失氣者慎不可攻也

陽明病有潮熱者爲胃實熱不潮者爲胃未實而大承氣湯有燥屎者可與初鞭後澹者則不可與故欲與大承氣必先與小承氣也胃無燥屎邪氣未聚攻之則病未必去而正已大傷也服湯後轉

大氣者便堅藥緩屎未能出而氣先下趨也故可  
更以大承氣攻之不轉失氣者胃未及實但初頭  
鞭後必溇雖小承氣已過其病況可以大承氣攻  
之哉胃虛無氣脹滿不食所必至矣又陽明病能  
飲水者爲實不能飲水者爲虛如雖欲飲而與水  
則噦所謂胃中虛冷欲飲水者與水則噦也其後  
却發熱者知熱氣遽入於胃則大便鞭而病從虛  
冷所變故雖鞭而仍少也亦不可與大承氣湯但  
與小承氣微和胃氣而已蓋大承氣爲下藥之峻  
劑仲景恐人不當下而誤下或雖當下而過下故

反覆辨論如此而又申之曰不轉失氣者恆不可攻也嗚呼仁人之心可謂至矣

陽明病下之心中懊憹而煩胃中有燥屎者可攻腹微滿初頭鞭後必澹不可攻之若有燥屎者宜大承氣湯

陽明下後心中懊憹而煩胃中有燥屎者與陽明下後心中懊憹飢不能食者有別矣彼爲邪擾於上此爲熱實于中也熱實則可攻故宜大承氣若腹微滿初頭鞭後必澹者熱而不實邪未及結則不可攻攻之必脹滿不能食也



陽明病譫語發潮熱脈滑而疾者小承氣湯主之因  
與承氣湯一升腹中轉矢氣者更服一升若不轉矢  
氣勿更與之明日不大便脈反微滑者裏虛也爲難  
治不可更與承氣湯也

譫語發潮熱胃實之徵也脈滑而疾則與滑而實  
者差異矣故不與大承氣而與小承氣也若服一  
升而轉矢氣者知有燥屎在胃中可更服一升若  
不轉矢氣者此必初鞭後澀不可更與服之一如  
前二條之意也乃明日不大便而脈反微滑則邪  
氣未去而正氣先衰補則礙邪攻則傷正故曰難

治便秘未通意可更以承氣攻之哉

得病二三日脈弱無太陽柴胡證煩躁心下鞭至四  
五日雖能食以小承氣湯少少與微和之令小安至  
六日與承氣湯一升若不大便六七日小便少者雖  
不能食但初頭鞭後必澀未定成鞭攻之必難愈  
便利尿定鞭乃可攻之宜大承氣湯

傷寒能食者爲胃熱而不能食者爲胃熱而  
實而胃實之證小便數者可攻小便少者則不可  
攻得病二三日脈不浮而弱而又無太陽柴胡之  
證知其病獨在陽明之表也煩躁心下鞭至四五

日不解則裏證復具故雖能食亦必以小承氣微和胃氣至六日熱漸減實當更與大承氣一升以盡其病也若不六便六七日于法當下而小便少者則水滯不分知其初腹後漉然雖不能食亦不可便與攻法須俟其小便利屎鞭然後以太承氣與之夫不大便而津液竭者不可下須俟其津液還入胃中而大便自行不大便而小便少者亦不可下必俟其津液偏滲水道而後可與下法若津液已竭而強攻之則正虛不復大便未鞭而穀之則邪去不盡學者不可不審而輕用下藥也

傷寒不大便六七日頭痛有熱者與承氣湯其小便清者知不在裏仍在表也常須發汗若頭痛者必宜桂枝湯

太陽風寒外束令人頭痛陽明熱氣上冲亦令人頭痛傷寒不大便六七日頭痛有熱證者知其熱盛於裏而氣蒸于上非風寒在表之謂矣故可與承氣湯下之然熱盛於裏者其小便必短赤若小便清者知其熱不在於裏而仍在於表當以桂枝湯發其汗而不可以承氣湯攻其裏也若頭痛不除者熱留於經必發鼻衄宜桂枝湯四字疑在當

須發汗句下

此條從太陽篇中移入

汗出譫語者以有燥屎在胃中此爲風也須下之過經乃可下之下之若早語言必亂以表虛裏實故也下之則愈宜大承氣湯

汗出譫語謂風未去表而胃已成實也故曰有燥屎在胃中又曰此爲風也須下之過經乃可下之見胃實須下而風未去表則必過經而後可下不然表間邪氣又將入裏胃益增熱而語言錯亂矣表虛裏實卽表和裏病之意言邪氣入而併於裏也外臺云裏病表和下之則愈汗之則死故宜大

承氣以下裏實

陽明病不能食攻其熱必噦所以然者胃中虛冷故也以其人本虛故攻其熱必噦

天之邪氣中人則同而人之藏氣虛實則不同此下三條乃爲陽明病之中虛不足者設也陽明病當攻其熱而胃中虛冷不能食者則不可攻其熱攻之則中寒益甚而氣乃上逆故必作噦噦呃逆也巳下不可攻之證凡七條

傷寒嘔多雖有陽明證不可攻之

夫陽明病心下鞭滿者不可攻之攻之利遂不止者

死利止者愈

陽明病而合赤色不可攻之攻之必發熱色黃小便不利

陽明雖有可下之例然必表證全無而熱結在腸中者方可攻之若嘔多者邪在膈也心下鞭滿者邪未下于胃也面合赤色者邪氣怫鬱在表也故皆不可攻之攻之則裏虛而熱入其溢溢於下者則下利不止其蓄聚于中者則發熱色黃小便不利其或幸而不死者邪氣竟從下奪而愈耳然亦

難矣

陽明病脈遲食難用飽飽則微煩頭眩必小便難此欲作穀疸雖下之腹滿如故所以然者脈遲故也

脈遲者氣弱而行不利也氣弱不行則穀化不速穀化不速則穀氣鬱而生熱其熱上冲則作頭眩氣上冲者不下走則小便難而熱之鬱於中者不得下行濁道必將蒸積爲黃故曰欲作穀疸然以穀氣鬱而成熱而非胃有實熱故雖下之而腹滿不去不得與脈數胃實者同論也

陽明病本自汗出醫更重發汗病已差尚微煩不了了者此大便必鞭故也以亡津液胃中乾燥故令大



便鞭當問其小便日幾行若本小便日三四行今日再行故知大便不久出今爲小便數少以津液當還入胃中故知不久必大便也

陽明病不大便有熱結與津竭兩端熱結者可以寒下可以酥軟津竭者必津回燥釋而後便可行也茲已汗復汗重亡津液胃燥便鞭是當求之津液而不可復行攻逐矣小便本多而今數少則肺中所有之水精不直輸於膀胱而還入于胃府於是燥者得潤鞭者得軟結者得通故曰不久必大便出而不可攻之意隱然百外矣

陽明病自汗出若發汗小便自利者此爲津液內竭  
雖鞭不可攻之當須自欲大便宜蜜煎導而通之若  
土瓜根及大豬膽汁皆可爲導

前條汗多復汗亡津液大便鞭者已示不可攻之  
意謂須其津液還入胃中而大便自行此條復申  
不可攻之戒而出蜜煎等潤導之法何慮之周而  
法之備也總之津液內竭之人不欲大便者靜  
以需之其自欲大便者則因而導之仲景成法後  
人可以守之而無變也

蜜煎導方

蜜七合一味內銅器中微火煎之稍凝似飴狀攪之勿令焦著欲可丸併手捻作挺令頭銳大如指長二寸許當熱時急作冷則硬以內穀道中以手急抱欲大便時乃去之

### 猪膽汁方

大猪膽一枚瀉汁和醋少許以灌穀道中如一食頃當大便出

跌陽脈浮而濇浮則胃氣強濇則小便數浮濇相搏大便則艱其脾爲約麻仁丸主之

浮者陽氣多濇者陰氣少而跌陽見之是爲胃強

而脾弱約約束也猶弱者受熱之約束而氣餒不用也脾不用而胃獨行則水液併趨一處而大便失其潤矣大黃枳實厚朴所以瀉令胃弱麻仁杏仁芍藥所以滋令脾厚用蜜丸者恐速下而傷其脾也蓋卽取前條潤導之意而少加之力亦傷寒下藥之變法也

麻仁丸方

麻仁二升

芍藥半升

枳實半升

大黃一觔

杏仁一升

厚朴一尺炙去皮

右六味爲末煉蜜爲丸桐子大飲服十九日三

服漸加以和爲度

陽明雜治法第三 計九條

發黃證治七條

陽明病無汗小便不利心中懊憹者身必發黃  
陽明病被火額上微汗出小便不利者必發黃

邪入陽明寒已變熱若更被火則邪不得去而熱  
反內增矣且無汗則熱不外越小便不利則熱不  
下泄鬱蓄不解集於心下而聚於脾胃間必惡熱爲  
懊憹不安脾以濕應與熱相合勢必蒸鬱爲黃矣  
額上雖微汗被火氣劫從炎上之化也豈能解其

火邪哉

陽明病發熱汗出世爲熱越不能發黃也但頭汗出  
身無汗劑頸而還小便不利渴飲水漿者此爲瘀熱  
在裏身必發黃茵陳蒿湯主之

熱越熱隨汗而外越也熱越則邪不蓄而散安能  
發黃哉若但頭汗出而身無汗劑頸而還則熱不  
得外達小便不利則熱不得下泄而又渴飲水漿  
則其熱之蓄於內者方熾而濕之引於外者無已  
濕與熱得瘀鬱不解則必蒸發爲黃矣茵陳蒿湯  
苦寒通泄使病從小便出也

茵陳蒿湯方

茵陳蒿六兩 梔子十四枚擘 大黃二兩去皮

右三味以水一斗二升先煮茵陳減六升內二  
味煮取三升去滓分溫三服小便當利尿如皂  
角汁狀色正赤一宿腹減黃從小便去也

傷寒發汗已身目爲黃所以然者以寒濕在裏不解  
故也以爲不可下也于寒濕中求之

傷寒發汗已熱與汗越不能發黃而反身目爲黃  
者以寒濕深入在裏汗雖出而寒濕不與俱出也  
寒濕在裏必傷於脾脾傷而色外見則身目爲黃

是不可比於瘀熱在裏之例而輒用下法也云於  
寒濕中求之者意非溫脾燥濕不可耳

傷寒七八日身黃如橘子色小便不利腹微滿者茵  
陳蒿湯主之

此則熱結在裏之證也身黃如橘子色者色黃而  
明爲熱黃也若濕黃則色黃而晦所謂身黃如蒸  
黃也熱結在裏爲小便不利腹微滿故宜茵陳蒿  
湯下熱通瘀爲主也

傷寒身黃熱者梔子檉皮湯主之

此熱瘀而未實之證熱瘀故身黃熱未實故發熱



而腹不滿梔子徹熱於上槩皮清熱於下而中未  
及實故須甘草以和之耳

梔子槩皮湯方

梔子十五枚擘 甘草一兩炙 槩皮二兩

右三味以水四升煮取一升半去滓分溫再服

傷寒癉熱在裏身必發黃麻黃連軀赤小豆湯王之

此亦熱癉而未實之證癉熱在裏者汗不得出而

熱癉於裏也故與麻黃杏仁白薑之辛溫以發越

其表赤小豆連軀梓白皮之苦寒甘以清熱干薑

大棗甘草甘溫沙糖以爲散濕麻牙之用用潦水

者取其味。心不助水氣也。合而言之。茵陳蒿湯是下熱之劑。子檉皮湯是清熱之劑。麻黃連軀赤小豆湯是熱之劑也。

麻黃連軀赤小豆湯方

麻黃二兩 生薑二兩切 生梓白皮一升  
連軀二兩 甘草二兩炙 大棗十二枚擘  
赤小豆一升 杏仁四十粒去皮尖

右八味以潦水一斗先煮麻黃再沸去上沫內諸藥煮取三升分溫三服半日服盡

音血證治二條

陽明證其人喜忘者必有畜血所以然者本有久瘀血故令喜忘屎雖鞭大便反易其色必黑宜抵常湯下之

喜忘卽善忘畜血者熱與血畜於血室也以衝任之脈並陽明之經而其人又本有瘀血久留不去適與邪得卽畜積而不解也畜血之證其大便必鞭然雖鞭而其出反易者熱結在血而不在糞也其色必黑者血瘀久而色變黑也是宜入血破結之劑下其瘀血血去則熱亦不留矣

病人無表裏證發熱七八日雖脈浮數自可下之

便者有瘀血也宜抵當湯若脈數不解而下不止必  
協熱而便膿血也

無表裏證與前第二十二條同發熱七八日而無  
太陽表證知其熱盛於內而氣蒸於外也脈雖浮  
數亦可下之以除其熱令身熱去脈數解則愈假  
令已下脈浮去而數不解知其熱不在氣而在血  
也熱在血則必病於血而其變亦有二合猶併也  
言熱氣併於胃爲消穀善飢至六七日不大便者  
其血必畜於中若不併於胃而不利不止者其血

心走於下畜於中者爲有瘀血宜抵當湯結者散  
之亦留者攻之也走于下者爲協熱而便膿血則  
但宜入血清熱而已